

王黃州小畜集

六

王黃州小畜集卷第二十

序



詔臣僚和 御製賞花詩序



馮氏家集前序

皇華集序

商於驛記後序

左街僧錄通惠大師文集序

送鄭襄序

孟水部詩集序

送薛昭序

送上官知十序

送廖及序

送李蕤學士序

送柳宜通判全州序

送程驥序

送徐宗孟序

送江翊黃序

詔臣僚和 御製賞花詩序

臣聞周文靈沼詩人著魚躍之詞漢武橫汾史氏載鴈歸
之什義存小雅語煥青編屬在昌朝繼茲盛事

我法天崇道皇帝誕膺駿命光啓鴻基當千年下武之期
為一代好文之主皇墳帝典窮步驟於宸機壁宿奎星煥



徐浩

文章於御筆然而動循禮法志尚憂勤來燕來宜式叶鳧
鷺之詠弗灑弗掃恐招蟋蟀之譏于時淳化之年暮春之
日葇蕤初生於一葉牡丹乍拆於千苞乃召侍臣爰開曲
讌入內園而洞啓望綺席以霞舒風遞鳴梢乍見七香之
輦波搖水殿齊瞻八彩之眉權呼方到於軒墀侍從共登
於欄檻親承睿旨競剪宮花露濕冠纓表君恩於湛露香
籠襟袂雜帝坐之天香次臨積翠之池咸舉不綱之釣忽
宣竒韻俾賦新詩既奉詔以援毫各爭妍而構思天顏咫尺
強叩於蕪音聖語裊揚實同於華袞俄頒御製復見宸
蹤兼堯舜禹湯文武之才備鍾王歐虞褚陸之體詠詩無
數傳翫爲禁况若夢中入閨苑瑤池之景渾疑天上得金

簡玉字之書既而尚輦更衣保章告刻觀乳魚而罷釣自
契深仁思中鵠以爲娛未忘習禮于是奏騶虞之節挽烏號
之弓振振盤石之子孫赳赳登壇之將帥心平體正發金
鏃以無虛目駭神驚捧金罍而獻壽堯壽舜樂鏘洋
合經義於五紀自同往誥逞雄心於一豕堪誚前王不醉
無歸盡歡而罷越明日復出御製賞花之什十五章五章
章八句十章章四句首示輔臣次傳近位文含五緯韻叶
八風鏘乎治世之音大矣經天之作雅頌之道雖易俗而
移風元首之謠亦君唱而臣和讓章雖上宸旨弗移況兩
制三館之臣幸當文理美千載一時之盛寧寢頌聲各進
數章共成一集雖群星向日更無雙彼之光而衆草偃風

亦助穆如之勢其間有煥其欲速既醉成篇或體律未諧
或風騷無取上咸令甄錄曾不棄捐亦猶朝百谷於滄溟
未嘗辭露會九江於雲夢足得包荒臣叙事非工言詩鮮
妙五吏寫詔無王勳之雄才百僚和詩非太真之高等以
在育材之地躬承善誘之恩用紀文明輒為序引書之國
史何慙天馬之歌垂作人文不愧景龍之集謹序

馮氏家集前序

仲尼以三百篇為六經之首以其本于人情而基于王化
故也然而刪其義次其章繫乎國風雅頌而已不顯乎人
之氏族也洎卜商作序篇之首始或著焉若鷓鴣之什直
云周公救亂也成王未知周公之志公乃作詩以遺之蕩

卷一百一十五

三

徐光祚

之什又云召穆公傷周室大壞雲漢之什亦云仍叔美宣
王之類是也其餘或稱國人怨而作是詩也或稱大夫刺
某王某公也故詩人名氏闕者多矣逮乎離騷則自云帝
高陽之苗裔朕皇考曰伯庸後之人故知其屈平也且夫
刪詩無聖人序詩無子夏採詩無古官則作詩者得不以
家集自見乎蓋存其詩人可知矣察其人國可知矣詩之
集也豈徒然哉亦國風雅頌之遺制耳馮氏家集者故江
南常州觀察使始平馮公之詩也公諱諡字某其先彭城
人也唐末避地徙家壽春當李氏之建大號也公之長兄
其實為國相公亦以文章器業歷踐清顯典掌誥命出入
臺閣者十數年然以氣直道孤嘗被放棄進退以道識者

是之周顯德中將平淮甸公以起部貳卿為東都副留守

江南以揚州為東都王師之傳維揚也公督勵士卒堅守不下音以

援兵不接城陷而來世宗一代真至素聞公名見而竒之

曰忠于所事名節之士也擢拜太府卿留闕下三載公朝

請之暇與中朝卿大夫以詩酒自樂篇詠間發傳于人口

今首台李僕射方掌內制與公卜鄰投分頗厚故集中有

贈李學士詩云鄰居纔十步交分已三年既而江南割地

內附願比藩臣世宗許之因授公尚書刑部侍郎且令持

節歸國南轅之日揆相賦詩一首書羅巾以贈之公荅云

羅巾揮逸翰送我出夷門保惜安懷袖流傳與子孫其與

時賢相知也如此公既歸故園慨然有挂冠之意李氏待

八二頁有卷之三

四

原十五

之益厚不得已復授中書侍郎歷吏部尚書遂有毗陵之

拜實以某年某月日終于位

太祖平吳之歲金陵罹于兵火士流書史蓋煨燼矣隸公

府者僅有存焉初公嘗以所業文集獻于本國至是亦入

貢矣為下揆相賜得公詩集張本俄而公之諸子歸于朝廷首台猶為

翰林承旨見公之子弟憮然有故人之念且徵其家集焉

對以兵戈之中喪失殆盡相國歎息久之且曰上嘗以江表

圖籍賜于近臣時太祖末年故云某獲先君子詩一編凡百餘章

常耽味之混同已來俟得全集今盡亡矣子孫何觀焉遂

出而付之因得傳寫于昆仲間公之季子太子中允伉字

仲咸某之同年生也某去歲自西掖左官來商於仲咸方

佐是郡居一日攜家集相示且具道其始末焉某再拜而受之三復而閱之見其詞麗而不冶氣直而不訐意遠而不詭有諷諭有感傷有閑適落落焉鏗鏗焉真一家之作也惜乎公之文不可得而見矣公之詩幸可得而傳矣公之志從可得而知矣匪獨藏于家亦將行于世後之人有如吳季札者國風可辨也有如韓宣子者周禮可見也豈徒錄遺文彰餘慶而已乎公曰一死一生乃見交情李相之謂乎周太史曰不在其身在其子孫者馮氏之謂乎盛乎哉公之長子傑今泰州海陵令次子侃國子博士並文學策名于江左次子儀岳州推官次子价渝州從事暨仲咸皆登御前進士第與夫諸第諸孫奉箕裘服名教誥誥濟濟馳驟于好文之代庸詎測其涯岸乎夫如是則公之負偉才遇多難入為王官終于陪君位雖至而道不行矣天其或者貽于後嗣而行于聖朝邪君子是以知馮氏有後于宋矣其辱同年之顧覽文人之作敢序梗槩少揚休美庶垂于不朽焉先是公之孫玄度自序先集附于篇末故某之所述特曰前序公時淳化三年正月五日序

皇華集序

古者天子五載一巡狩肆觀群后觀省風俗黜陟幽明而已後代沿革命使巡行兩漢已來其任尤重非稽古有識之士不得與焉

皇上黜霸道立民極褒拔秀茂輯寧黎元以為四海之大

蠻夷殊於華夏非號令則教不被兆民之衆惇整困於豪
右非詢問則情不達百吏之廣循良雜於苛暴非考覈則
人不勸舉行宰之典慮供億之勞乃詔輔臣精擇邦彥按
郡國之政張朝廷之威召于延英授以密旨膺是命者凡
若干人濟陽丁君實使閩越君始以文學高第進復以政
事課最聞朝僉曰然帝命惟允君之出也名賢惜其去天
子重其任惜其去者以為書典謨備顧問惟君稱其職矣
重其任者以為八州之政萬里之俗非君孰可使矣于是
黃樞密勿之臣青宮調護之客兩制三館造士名僧咸賦
詩以送總若干首今春赴朝集之期奏風謠之事虛懷見
納前席移時黜者無怨言陞者無異議盡以民瘼達于帝

小畜集卷之六

六

吳志

聰上心豁如咸可其奏重慰遠俗勞而遣之都門祖行即
席探韻又得若干首合為一集播于四方道出維揚以序
為請敢徵古義命曰皇華年月日序

商於驛記後序

有唐都長安三百年商於為近輔地望雄劇亞于同華其
擇用郡守皆尚書名郎暨諸寺以列入拜中丞諫議者往
往有之自大歷貞元之後王室微弱李希烈陷大梁李錡
繼叛由是汴路或不通焉吳越江淮荆湘交廣郡吏上計
皇華宣風憧憧往來皆出是郡蓋半天下矣故郵傳之盛
甲于它州會昌中刺史呂公領是郡新是驛請翰林學士
承旨戶部侍郎韋琮文其記太子賓客柳公權書其石祕

書郎李商隱象其額皆一時之名士也觀其文不獨記斯驛之盛大率頌呂公之政耳自唐風不競鼎入于梁長安廢為列藩商於化為小郡輶車罕至傳舍孔卑古驛無餘遺文空在運歷五代時踰百稔痛平呂公之政事三賢之文翰世莫得而聞也

皇宋淳化三年詔太子中允始平馮公知斯郡才大務簡居多閑暇一日讀商於驛記見數字刻缺慨然歎之且慮碎于樵牧之手亟命移徙立于便廳四賢之風想象在目俾夫後之好事者摸印傳寫無翼而飛自馮公始也馮公名伉字仲咸嘗策名于江左歸朝由同州戶曹掾舉進士得御前第某之同年也式序始末題于石陰呂公記不書名蓋貴之也又惜其今之人弗遂知矣地僻無書未獲討閱俟學唐史者補其闕文某年十月十九日序

左街僧錄通惠大師文集序

釋子謂佛書為內典調儒書為外學工詩則衆工文則鮮并是四者其惟大師大師世姓高氏法名贊寧其先渤海人隋末徙居吳興郡之德清縣祖瑄考審皆隱德不仕母周氏以唐天祐十六年歲在己卯某月某日生大師于金山別墅時梁貞明七年也武肅王錢某專制江浙後唐天成中出家清泰初入天台山受具足戒習四分律通南山律長興三年武肅薨文穆王諱嗣位大師聲望日隆文學益茂時錢氏公族有若忠懿王諱宣德節度僊奉國節

度使億越州刺史儀金州觀察使儼故工部侍郎昱與大
師以文義切磋時浙中士大夫有若衛尉卿崔仁冀工部
侍郎慎知禮內侍致仕胡璉與大師以詩什唱和又得文
格于光文大師彙征授詩訣于前進士龔霖由是大為流
輩所服時錢塘名僧有若美者通名數一支謂之論虎
常從義者文章俊捷謂之文虎大師多毗尼著述謂之律
虎故時稱四虎焉界本國監壇又為兩浙僧統歷數十年
像法修明編徒整戢太平興國三年高麗王禕版圖歸國
大師奉真身舍利塔入朝

太宗素聞其名召對滋福殿延司彌日別賜紫方袍尋改
師號曰通惠故相盧宋崖深如宿重恭知政事李穆儒學
之外善談名理事大師尤為恭謹八年詔修大宋高僧傳
聽歸杭州舊寺成三十卷進御之日聖書褒美居無何徵
歸京師住天壽寺參知政事蘇易簡奉詔撰三教聖賢事
迹奏大師與太一宮道士韓德純分領其事大師著鷲嶺
聖賢錄又集聖賢事跡凡一百卷制署左街講經首座至
道元年知西京教門事

今上咸平元年詔充右街僧錄先是故相文貞公懸車之
明年年七十一思繼白少傅九老之會得舊相吏部尚書
宋琪年七十九左諫議大夫楊徽之年七十五郢州刺史
判金吾街仗事魏丕年七十六太常少卿致仕李運年八
十水部郎中直祕閣朱昂年七十一廬州節度副使武允

成年七十九太子中允致仕張好問年八十五大師時年
七十八凡九人焉文貞公將譙于家園形于繪事以贊詩
流詠播于無窮會蜀寇作亂朝廷出師不果而罷今九老
之中李宋揚魏張已先逝矣大師年八十二視聽不衰于
本國歷武肅文穆廢王忠懿凡四世于朝歷梁兩帝後唐
莊宗應順清泰晉高祖少帝漢高祖隱帝獨太祖世宗梁王
我太祖英武聖文神德皇帝

我太宗神功聖德文武皇帝通

今上凡十五朝而能受洪範絜用之福處浮圖具瞻之地
豈所謂必得其壽必得其位者乎大師以述作頗多叙引
未立猥蒙見託不克固辭總其篇題具如別錄凡內典集
一百五十二卷外學集四十九卷覽其文知其道矣因猥
其世家行事備而書之使後之傳高僧銘塔廟者于茲取
信云

送鄭襄序

閩人鄭生成之舉進士來登下會訖罷去在趾滌上是歲
日官置厝閩在孟秋暑之煩酷于前一月焉甚某性不能
耐熱每見生不表締絡而出且慮生怒某之失禮生退則
卧涼軒更僕交扇而流汗不減因留生俟秋而行生日襄
有母且老向之去數千里別數百日者欲干名而顯親故
雖遠且久若褻之在母左右也今詔已下將及閩及閩則
鄉人必以告向吾母必筭程數日以待襄也後一日即貽

母之憂用是不敢聞命矣某曰生有純孝歟昔穎考叔以遺羹之意感鄭莊公丘明美之某無怙恃不足以應生教為生泣而賦詩亦足以警世之為人子者

孟水部詩集序

余總角之歲就學于鄉先生授經之外日諷律詩一章其中
有絕句云那堪雨後更聞蟬信絕重湖路七千憶昔故國楊柳岸全家送上渡頭船余固未知誰氏之詩矣及長聞此句大播人口詢于時輩則曰江南孟水部詩也游官已來求其全集卒不可得咸平己亥歲余自西掖出領齊安未幾詔除太子中舍孟唐為黃州司馬訪其氏族即水部之子也因捧其家集且請為序水部諱賓字字某生于

連州其先太原人故其詩云吾祖并州隔萬山吾家多難謫鄰連幼擅詩名吟味忘倦後唐長興未渡江赴舉岐帥李泰王曠館于門下晉相和魯公凝禮部王尚書易簡翰林丞百李學士慎儀刑部李侍郎詳咸推薦之由是詩名籍甚游舉場十年故有十載戀明主之什凡八章五上登第故詩云兩京遊寺曾題榜五舉逢知始看花晉天福甲辰歲禮部符侍郎蒙門人也尋以拜慶就養歸于長沙當馬氏專據湖湘大開幕府遂以賓席縻之俄出為永州軍事判官歷陽山縣今漢乾祐末馬希廣兄弟閱牆尋戈不已江南李氏命邊鎬為將以兵陷湖南盡俘馬氏之族于建康水部遇亂無依攜光啓年縣印歸于金陵李氏方僭

稱唐得之甚喜故有水曹朱紱之命馬之辭歸玉筍山着
道士衣吉州高史君奏為郡倅不得已用冠褐就職旋歸
舊隱是時江左士大夫若昌黎韓熙載東海徐鉉甚重之
會高越以江南命使廻嶺表訪其所居同舟而出強起為
豐城令既而引去博遊吟嘯者二十年老求致仕得本曹
郎中分司南都服道金紫即此也
太祖平吳敗老病不任朝謁歸隱故里後以令終有金齧
集者即此也也相東集者馬氏幕府詩也金陵集者李
氏詩也玉筍山集者晉明詩也劍池集者豐城詩也總五百
五首今合為一集以官為名蓋古之詩人多求水部何遜
張籍是也唐之詩流多出孟氏浩然東野是也況姓氏官
紀萃乎一集又其後後二十餘年得余為序足以振今名
而雪遺恨也至于雅澹之體警策之句知詩者開卷可見
矣此不復云

送薛昭序

今上即位之五年庚辰歲僕始隨計吏來舉場中間用晦
名籍甚有司考藝得登甲科覆試殿第一中上旨雖命未
遇而文愈覩矣故僕遂用晦下第詩有明年同醉杏園春
之句擢第之日卒如斯言補吏以來于今八載泊僕歷東
觀踐西垣遷諫官堂建命殆三年矣而用晦尚以光祿丞
領維揚關市之賦青衫瘦馬受代而來囊括其文未始銜
露何其自待之多也先是用晦之在淮海也雖屈其才亦

幹厥事故司漕運按風俗者奏謀以聞至是或謂用晦曰
可移文相府請疇前勞則增秩之命可得矣用晦聞而
之曰非知言也吾學古聖賢之道以取祿位不幸而司管
庫又烏以羨財而為功乎如古用我者則闢譏而不征矣
豈終為俗吏耶士君子聞而壯之內翰武功蘇君即薛氏
之出也視用晦者外兄敦勉誦激俾獻文以自試不得已
而從之始以所業四十編拜章進御天子嘉之試于鳳閣
文不加點數刻而成燦乎千言聳動臺閣翌日循近制改
著作佐郎延英中謝上又譽之未幾有達陽通理之命是
行也但雖未充而名以大矣恩雖未渥而知則深矣詎非
歷試之漸大來之階乎且將慰慈母省元昆等舟東下吟
嘯山水間之才子得以師其道聞之遠俗得以觀其政又
何窮達先後之足去乎于是兩制三館之士為詩詩以餞
行且命不才序冠其首

送上官知十序

古者大夫三月而葬戰國已來禮文殘缺葬祔之制動或
踰年筮仕者復貪功好名率曰忠臣不得為孝子甚無謂
也故吏部著式祖考未葬者不與調遷亦救弊之一端耳
今聖人以禮示萬方以孝治百姓陳力就列上得忠于國
生事死葬下得孝于家臣子之道煥乎有光中吳通理奉
常丞上官公起家倅于洋再命莅于蘇丁先明府憂喪間
既至奪情詔來銜哀在公綽有勤政越明年國家展圓立

之禮灑漏泉之澤幽明存沒靡不露浹贈先明府太子洗
馬亦既受代飛章帝閣請改葬于高密詔許之先明府為
宰字之官有循良之譽貞遯田里鄉人法之又見其子擢
進士第歷廷尉評遷大匠丞登朝為贊善大夫令終之日
鍾是賁飾非積善有後疇能與于此乎是行也郡縣郊迎
父老改輿襦朱紱具縷裳號匳窆之前火絲綸之命外姻
同位得無羨歟蘇臺郡守士庶榮而餞之長洲長王某屬
邑也亭以志云

送廖及序

澤被天下者天下人戴之為帝皇化行一國者一國人望
之如父母故五等諸侯南面而治皆人君也但隆殺有異

卷之二

三

吳志

耳仲尼不取中都之小者行乎道也必于賤至馬期盡心
殫力一邑者為乎人也豈以位之高下為意乎今之宰邑
者異乎是或不顧己之道不恤民之病率曰吾取折腰也
歎徒勞也而不知十室之邑必有忠信況百里乎彼百里
之民尊其宰而望其惠矣苟施澤于下盡禮于上固邑宰
之職然也矧未能愛下而欲慢上耶是則天子利及百姓
教流萬國不當父天母地修圓立方澤之禮矣所以然者
不自大而示有所尊也况民下哉宰邑者其志之鉅鹿古
之名郡也今之邊邑也戎車未息民賦且繁慘舒之權雖
前于郡國字育之道亦繫于令長廖君由文學之科探政
事之要是行也當行道而惠人矣肯以下僚為念哉

送李勉學士序

唐韋處厚由考功員外郎出刺盛山為詩十二卷當時名
士自元白而下皆和之轉入公為之序以為考功顯曹盛
山僻郡非處厚之志自遠不能樂於詩什流播編簡以為
美談司封李學士嘗以文詞名於江左

上即位之二祀鎮鎮奉進士中甲科在館殿十餘年其間
司外計典大郡亦多矣又以名譽出佐廬江而怡然
自得何道勝之名是事將見乎心家江山傳聞輦轂俾朝
之名士若元白者皆為和成集其希聲者願為序以繼其
美告

送李勉學士序

五

徐浩

河東柳無言以古之聞人也任蜀國時褐衣上疏言時政
得失李國之器之累是監察御史多所彈劾不避權貴故
秉政者尤忌之出為縣宰所在有理

皇家平吳之明年隨為官得雷澤令嘗憐僕之故里也始
與之交遠今幾十五載連尹三邑州縣之職困于徒勞居
低推窮辱之中有死喪疾病之患旅寄蓬室朱衣有塵知

其氣業者共惜之連化元祀始以仁城守來抵闕下携文
三十卷叫闈上書且請以文筆自試天子壯之下章丞相
府翌日召試且舉漢時以粟為賞罰事使析而論之無疑

援引剖判燦然成文

吾君吾相皆以為識理體而合經義也故改官芸閣通倅

贊

湘源其官尚卑其郡亦小然叟藝而取故有識者榮之
與夫諂權媚勢奴顏婢色因採風謠司漕運者言而得之
者遠矣于是沿汴達淮浮江湖入湘潭是時也可以吏隱
未可以行道況江山猿鳥雲泉竹樹為天下甲民訟甚簡
兵賦甚鮮國可卧而理也姑能致身于不才之間放意于
無何之域則又不知縣令為著作耶著作為縣令耶或過
故國動黍離之情傷遠行有于役之念數下位起山苗之
刺則于道遠矣于生勞矣勉哉無疑善飯自愛

卷之三

士君子謂不由進士第者為終身之耻貴而不歸者有夜
行之刺標不友親者立不仕之戒兼此三者士龍是行之
謂乎士龍嘗策名江表有年矣

皇朝平吳之明年始歸于我兵革之後旅食于京師懸于
養親不暇擇祿因隨偽官署一簿于雷夏者滿改一尉于
彭城折腰作吏六七年矣混無名之徒食有道之祿士龍
恥之八年復舉進士科中第遷從事于廣陵廣陵即其里
也故廬半空喬木斯拱物華人事依然舊情飄飄綠衣奉
版輿而東下昆弟妻子羅列目前手調尊鱸躬掃墳墓孝
子之願畢矣噫大丈夫得其時而行其道者必能師表一
人利澤百姓匪獨善人之謂也然立大功居顯位必由乎
命士龍豈無志乎姑見其策美名歸故里侍偏親亦旅人
之小亨也行乎哉士龍宜自愛

送徐宗孟序

余去年出內庭臨滁上境與合肥接聞其郡大獄煩號為難治而使車游客往往道從事徐宗孟者能仗助長吏咸得其中未幾以書遺我見其文好奇而尚氣者今年果被召赴闕路出吾郡與之言又見其孜孜不忘于仁義也宜乎慕孟軻而名焉且從余乞言因書以為送

送江翊黃序

僕直翰林時進士錢易數以文相售其中往往有贈江翊黃詩惟其名異於常所謂進士者今京西轉運太常姚丞鉉赴職時來與余別盛言生之才用是於生之名甚熟不知果如何人也夏六月自內庭謫官滁上下車數日生縫掖而見觀其風骨秀朗言論和雅則錢之交姚之薦斯得之矣又繼之以文好古近道趣向不俗修之不已可為聞人况一第哉遽來告行書此為送

王黃州小畜集卷第二十

王黃州小畜集卷第二十一

表

為宰臣上尊號表

為宰臣謝御書錢樣表

謝賜御製逍遙詠祕藏詮表

為宰臣謝賜御製哥詩表

為宰臣謝新雕三史表

謝賜御草書詩表

謝御製重午詩表

陳情表

謝免和御製元日除夜詩表

賀正表

謝曆日表

進端拱箴表

謝賜御製月詩表

謝賜御書字樣錢表

單州謝上表

進乾明節祝聖詩表

謝衣襖表

滁州謝上表

謝加朝散大夫表

謝賜聖惠方表

為宰臣上尊號表

內外文武臣寮具官趙某等言。今月二十一日。共干天聽。別上尊名。奉宸翰以未俞。慮精誠而不至。戴天就日。猶懸億兆之心。伏閣叫闈。寧避再三之黷。謝臣等聞運行四時者。惟天之。大照臨萬國者。惟日之。明天不宰其玄功。而有蒼旻之號。日不耀於陽德。而有畏愛之名。是以居廣大而罔辭。處貞明而弗讓。蓋功德著乎上。而名號隨于下矣。前王後聖。茂實英聲。取譬于茲。其則不遠。伏惟

皇帝陛下。繼天而王。如日之升。靜則垂堯舜之衣裳。動則仗武湯之旄鉞。明堂制禮。走玉帛於萬方。宣室崇儒。煥文章於三代。候氣而八風從律。陳詩而萬物由庚。既理定以功成。尚宵衣而旰食。早以兆民愛戴。群后推崇。率由舊章。共上徽號。

陛下讓不得已。俯而從之。雖百姓同權。方諧歸美。而一人善下。終恐近名。昨者法天道以流謙。敷王言而如綍。謂大道不器。何假先天之言。謂聖人無名。豈湏惟睿之說。盡除尊號。頗駭群情。臣等奉詔靡遑。再章請復。

陛下過防滿假。終未允俞。守謙卦之六爻。動而無悔。去湯書之七號。卑不可踰。遂使中外包羞。軍民沮色。既難移於成命。乃別獻於嘉猷。共傾天誘之衷。用紀日新之德。著龜叶吉。蠻貊同文。咸願聽卑。以期得請。

陛下特迂鳳藻。猶避鴻名。固愈振於謙光。奈重違於人欲。

而况皇王顯號今古彝章上則尊列聖之貽謀光輝七廟
下則稱庶邦之係望威服八荒凡在含生共觀休烈豈可
執勞謙之小節廢立極之大名居軒昊之至尊慕巢由之
獨行此臣等之所未諭也

陛下之所不取也臣等不勝大願敢固請上尊號曰
法天崇道文武皇帝庶得將順謙冲之旨惟新徽懿之名
免使聖朝有茲闕典踳天蹟地罔敢自安碎首糜軀期于
必遂臣等無任區區懇迫之至

為宰臣謝御書錢樣表

臣等伏蒙聖慈賜御書三體字樣錢各一貫文者五銖新
樣貨泉將布於人間三體成文筆札互彰於天縱出爐冶
而首蒙頒賜望冕旒而共積兢榮伏惟

尊號皇帝陛下道極至玄學探衆妙宸居多暇書九府之
錢刀御筆摘華奪三辰之文彩盡真草歐行之法在方圓
肉好之中通流將遍於溥天固殊當百錫賚先霑於近位
其數且千臣等傳翫為榮收藏至寶荷天光而悚惕對聖
作以兢慙臣無任

謝賜御製道遙詠秘藏詮表

臣等言伏蒙聖慈賜臣等御製秘藏詮道遙詠共四十一
卷者伏以竺乾之教所以祛色相而示真如老氏之書所
以去滋章而務清淨大不過四句偈多不出五千言始則
殊途而同歸終則枝分而派別治乎演三乘於貝葉文字

漸多編三洞於瑤函。空跡逾遠。縱人十而七百。空暮四以朝三。自非上聖之才。孰立不刊之典。發揮教法。允屬文明。伏惟尊號皇帝陛下。思妙玄沙。心遊赤水。因民設教。與天比崇。知幾其神。建皇王之有極。恭默思道。念釋老之多岐。于是詮註微言。詠誦至道。撮其樞要。闢戶牖於法門。塞其菁英。芟蕭稂於玄圃。示萬機之多暇。表三教之精通。足可以指迷悞於群生。扇穆清於四海。豈比夫劉莊蕭衍。但多佞佛之心。漢武秦皇。空作求僊之術。自合鑄諸玉簡。藏在名山。將日月以同懸。與鬼神而爭奧。傳于不朽。垂之無窮。臣等謬列詞臣。躬承聖教。披覽天之雲霧。初已覺濡身聽舜殿之絃歌。共知忘味。謹當披讀。誦抑舞。懽呼少遵善誘之心。庶助無為之化。臣無任

為宰臣謝賜御製詩表

臣等伏蒙聖慈。宣賜詩表。共三首者。天時旱暵。聖慮焦勞。玄穹忽降於霄霧。靈寶降形於詩詠。首蒙宣示。共極懽榮。伏惟尊號皇帝陛下。軫念三農。精心六義。自春徂夏。稍致愆陽。以日繫時。不忘善禱。詔近臣而遠走群望。御便殿而親錄縲囚。聖感玄通。天心昭答。潛驅屏翳。舒張東岱之雲。暗使豐隆。搗擊南山之鼓。連宵泛灑。率土昭蘇。旱稼勃興。豐年可望。緣聖情而有作。奮御筆以成篇。帝庸作誦。高視康哉之詠。上以風化。遠追皇矣之詩。燦然三章。誕敷四海。深形教誨。特有宣傳。台衡宸宸之銘。彼何膚淺。白

雪陽春之句空衡清新日筆收早功微賡詞調下鏤于肌
骨敢忘作誠之詞播在管籥事移風之德臣無任

五宰臣謝新雕三史表

臣某等言伏蒙聖慈賜以三史印本三史書各一部者伏
以先帝好文校讎三史之請備會議終歷兩朝摸印方行頒
宣首及中伏惟

尊號皇帝陛下心存稽古志在奉先念五帝三王之書具
存道德思列國兩漢之事可鑒興亡觀真本之初成先近
臣而受賜欲俾詳觀遠觀起後世自蒙臣等素匪知書仰承
善誘敢不服勤舊史以副聖慈竊慕於格言或有裨於
大政臣等無任感天荷聖教切屏管之至

謝賜御草書詩表

郭敷

臣某言今月五日伏蒙聖慈賜臣紅綾上御草書趙嘏南
亭絕句詩一首絳綃三幅霞舒舞鶴之紋宸翰三行雲遶
迴鸞之勢天恩曲被凡目榮觀佩服戰兢神魂飛越中謝
伏惟 尊號皇帝陛下書窮八法學洞九流英斷睿謨連
立功而多暇飛文染翰縱草聖以爲娛閑裁浙水之綾爰
寫渭南之句宮中刀尺剪雲霧於赤城筆下風雷走龍蛇
於碧落遍令中使宣賜近臣豈期瑣材亦預宸春捧持失
次傳翫增輝忻千載之遭逢極一時之榮遇讀盡二十八
字列宿韜光宣來三十六宮天香尚在豈止藏於篋笥亦
將傳付子孫堪笑二王非墨妙筆精之作如逢伯禹得金

簡王字之書感恩空投於涕漣受賜更銘於肌骨臣無任
戴天荷聖激切屏營之至

謝御製重午詩表

臣某等言伏蒙聖慈宣賜御製七言四韻重午詩一首者
天有四時成聖功也八節所以宣其氣詩有六義繫王化
也二南所以變其風至若運陰陽亭毒之功達雅頌盛衰
之理不失其正斯惟聖人中謝伏惟

尊號皇帝陛下運應一千啓昇平之嘉會節當重午樂長
養之玄功形于詠謠播作詩什特令中使宣示詞臣降鳳
閣以光輝摺魚須而抃舞仰窺首句如當帝舜之薰風載
味卒章仍念屈原之貞魄教化以被忠邪以分又何止述

小畜集卷三十一

六

宋世宗

浴蘭縣艾之文逞白雪陽春之麗而已哉臣某職叨掌誥
才謝言詩獻尚書而諷諫無聞徒經嘉節學離騷而淵深
罕究但拜宸章願揚治世之音永作傳家之寶無任戴天
荷聖權呼抃蹈之至

陳情表

臣某言臣聞改過自新人臣之職勤弄璫責效王者之舊
章辭伏念臣近自冗員再叨諫署秋蘭解佩重呼澤畔之
魂紅藥裁詩不望禁中之樹固當老於小諫日赴常參其
如親寄解梁身趣魏闕四海無立錫之地一家有懸磬之
憂以至僕馬龍鐘雜于工祝弟兄分散迫于飢寒若非內
受職名賜之實俸外求差使以救食貧則曷以養高堂垂

白之親補上國燃金之費望雲就日非無應闕之心玉粒
桂新未有住京之計伏望

尊號皇帝陛下念臣過而能改進不因人或西垣再命於
演綸或東魯且令於承乏唯中外之二任繫君親之一言
千冒宸嚴臣無任僭越兢憂悃悞待罪之至

謝免和御製元日除夜詩表

臣等言伏蒙聖慈特降御製元日除夜詩四首仍令和來
臣等尋時連狀中謝罪乞免和今日七日伏奉恩旨特賜俞
允者聖文絕唱天道聽言雖違善誘之心幸獲知難之請
伏惟

尊號皇帝陛下五二為寶六義游心樂天地之立功奮舊皇

王之睿藻筆無停想未及未失煥乎四章降於三館耀日
月星辰之敷發金石錄行之音思入杳冥乾坤無以逃其
數辭包造化思神不能隱乎情其元日之句也藻繪王春
悅萬物之資其其除夜之句也發揮元氣述四序之成功
固宜隨歷數而頒於華夷與法令而懸於象魏俾夫薰絃
播奏散為化下之風蒼君玉雕鐫祕作升中之典至若周滿
黃竹之詠漢高大風之歌唐太宗守歲之詩陳叔達初年
之作義皆無取事不足徵又若除夜藏鈞正朝放雀真為
兒戲豈近皇猷遍數前王實多慙德臣等文館待罪朝行
具負幸觀四始之根源徒荷千年之際遇然而對燭龍之
銜耀難炫螢光當鳳彩之來儀須藏雉尾共思閣筆同樹

降旗方傾寶燄之誠果降矜宥之命豐隆門下免為聚響
之蚊莊叟山中甘作不鳴之鴈臣等無任感天荷聖激切
屏營之至

賀正表

臣某言伏以元正首祚景福惟新數莫莢於堯堦初生一
葉獻椒花於漢殿齊列千官式彰負袞之尊大祝如山之
壽伏惟

尊號皇帝陛下業隆三代道冠百王和玉燭以授時立功
克著振金鈴而徇路壽令變行當三元資始之期見萬國
會同之盛方物充庭而寶曆呈上公獻壽以鳧趣日照冕旒
觀垂衣之肅穆風和家親懸法之威儀詎遺率土之濱
同樂履端之候膺乾鈞祐與天齊休臣濫奉朝恩叨權郡
印思預華封之祝方遠東夏新頒義氏之書空驚素髮但
荷發生之德莫酬煦育之仁臣無任祝聖戴天抃蹈懽呼
之至

謝曆日表

臣某言今日四日進奏院遞到宣頭一道伏蒙聖慈賜臣
至道二年新曆日一道者王春肇啓日官爰舉於舊章帝
命遐宣守土各頌於新曆臣某謝臣聞天道無私所以運
行寒暑聖人有作所以恭授民時幸令率土之濱共樂同
文之化伏惟

尊號皇帝陛下五行為質萬國咸寧星辰即序於堯天風

兩弗迷於舜麓御明堂之一十二位克正陰陽運璿璣而
三百六旬無差剋刻煥乎正朔被于華夷臣謬典魚符欣
開鳳曆以時以日敢忘匪懈之心卜世卜年更仰無疆之祚
伏限郡政不獲奔詣闕庭無任感天荷聖激切屏營之至

進端拱箴表

臣某言臣聞宣尼立教禮五諫以訓民天子設官命七人
而庭諍欲嘉言之罔代致盛德之日新中謝伏惟

尊號皇帝陛下志在任賢動必師古大開言路精擇諫臣
改拾遺補闕之名設司諫正言之位必須端士方稱美官
臣且何人亦當此任三月中伏奉明詔用訓庶僚於中兩省
之班行有異百官之督責必容謇諤無取因循是時臣方
議迎親已詣告假

言集卷三十一

七

是六十一

陛下矜其貧乏錫以緡錢恩麻曲被於一家用度有充於
千里况臣曾為縣吏每督民租為尺布斗粟之逋行減耳
鞭刑之法因知府庫皆出生靈空有淚以感恩慙無功而
受賜洎再趨象魏時見冕旒狼麀書殿之資久蠹太官之
膳曾無績効空玷清華且官在諫垣未嘗有一言裨補職
當史筆未嘗有一字刊修語所謂飽食終日無所用心者
臣之謂矣思欲舉諫諍之職言朝廷之事則

陛下聖德昭被神功著明四輔無私而秉大鈞百姓不知
而歸至化君何事哉臣何言哉然而安不忘危理不忘亂
靡不有初鮮克有終古聖賢之深旨也故夏后有盤盂之

銘周王有几杖之誠敢謝此則義用導愚衷臣又嘗讀唐史見貞觀中張蘊古上大寶並成辭理切直太宗深加稱賞焉臣雖不才願繼其美謹昧一死撰端拱箴一首固不足裨益明聖萬分之一亦臣之與一罪也隨表詣東上閣門跪進以聞干冒宸嚴臣無任僭越之罪至

謝賜御製月窟表

臣某等言今月十六日伏以聖慈宣示中秋月五七言詩各一首仍令依韻和來者月盈三五明天道之無差運偶一千見聖人之有作維時賓歌之命終降寡和之詞傳翫為榮捧持失次伏惟

尊號皇帝陛下清心六義思若湧泉銳意萬機居多暇日

徐澣

徐澣

當中秋之屆懷取素月之流空寵觀乙夜之書乃吟清夜載覩如圭之狀思繼白圭之章大哉四始頒于近位得遂榮觀雖酌海壺天罔七曜淡而君唱臣和親奉德音強率謏聞虔運睿旨効星辰之北拱徒竭丹心誦烏鵲之南飛終慙雅詠顧瑕玳之難掩諒尤悔以何逃臣等無任謏時樂聖榮懼歲切之至

謝賜御書字樣錢表

臣某等今月二十三日於學士院分賜得御書三般字樣淳化元寶錢者洪鑪新樣通行將遍於萬方御筆摘華神妙互分於八體頒宣非次傳翫知榮中謝伏惟尊號皇帝陛下留意貨泉精心筆札書紀年之大號用煥

錢神逞上聖之多才美譽墨妙盡返鵠迴鸞之法掩天龍
地馬之名莊山歷山之金可齊重寶開元乾元之字莫比
神蹤將大濟於兆民仍分霑於兩制臣等名慙夷甫才謝
魯褒實趙囊而空荷君恩探禹穴而難窮聖作周太公之
園法自合包羞歐率更之筆精從茲掃地永言感遇空極
兢榮臣等無任

單州謝上表

臣某言今月九日曹州進奏院遞到勅一道伏蒙聖慈就
差知單州軍州事兼賜錢三百貫文祇荷寵榮不任感懼
臣已於今月十七日到本州上訖乍別天庭初臨郡印錫賚
頗厚恩榮實多伏念臣本乏才名素無門地徒偶文明

徐浩集卷三十一

二

徐浩

之運濫登俊造之科升朝便忝於諫垣効職仍叨於綸閣
常罹罪譴未合弃捐仰竇臬而方類戴盆遇慶赦而遽收
墜履官復兩省之列職居三館之先俸厚於他司班清於
庶品固合優游仙館耽翫群書常依日月之光時貢菊莢
之說詎唯卒歲亦可終身昨以臣父將作監丞致仕某足
疾嬰纏年光遲暮向因謫宦深入窮山常恐此生不歸故
里自叨赴闕頗更思鄉蓋爲衰羸動多悲感有孫兒不識
面目有子壻未接笑言分俸則桂玉不充聚族則京師難
住近聞館殿亦有遺差頻發家書令求外任遂瀝事親之
懇以干孝治之朝伏蒙

尊號皇帝陛下義在從人恩推養老假之符竹惠以緡錢

居二千石之權已為望外受三十萬之賜實自宸衷感深而淚濕詔書戀極而魂飛帝闕即時赴郡不日迎親本州以臣叨奉新恩言承舊例亦將歌樂遠出郊垌臣先以文書並令止絕蓋以龍璽未秀村民尚飢當帝王盱食之時非長吏自娛之日庶幾率下不是近名况臣早忝掖垣每親旒宸備執夏勤之首飽聞淳儉之風足以宣揚聖猷訓導屬吏此外則詳評案牘精究簿書雖管庫以必親庶狴牢而無枉幸非官謗用報聖知且念親民之官自古所重凡今共理亦曰難才張齊賢罷自台司止知京兆辛仲甫出從參政方茲死丘雖小大之不同在郡國而無異唯臣此任最是殊恩十一年前始為成主簿九重天上曾是制誥舍人望舊官而雖隔雲泥過故邑而亦為榮遇所恨者忽離侍從莫遂朝辭實非臣心輕去輦轂但以臣久苦念丘樊慰懷土之心晨昏有遂望北辰之列涕泗無從伏惟陛下少減焦勞俯加顧養至于堯水湯旱曆數之常文丹浦青丘征伐之彛事佇見斬繼遷於獨柳送蜀寇於檻車示天下不用干戈驅域中咸歸富壽然後鳴鑾日觀降禪之亭追蹤於七十二君探策而萬八千歲此際臣之本郡實有行宮僮得導引皇輿掃除御路撰禮天之書冊雖匪職司對盛德之形容敢忘歌頌臣無任

進乾明節祝聖詩表

臣某言聞天道化成分八節而運行元氣聖人降慶膺千

年而開闡洪圖誕靈既偶於嘉辰祝壽乃名於聖節照臨
之下禱願攸同臣某謝竊以漢感赤龍晦雲雷於大澤周
因玄鷲帶弓矢於高禒符瑞之來今古相望伏惟

尊號皇帝陛下二儀叶德九廟備祥于時而里社方鳴是
夕而常星不異運玄變日老紫雷繞樞式表自天
之命青雲如畫出震之期書聖之繼天以乾明而
命節千官上壽來庭保休樂懸之下鬼侯
梅伯歡心之德同鳥獸獻千鐘
臣職叨三列六播聽九奏之書同鳥獸獻千鐘
於堯舜之餘故前發書上乾明節祝聖
壽古詩三章章每定自備有小序稍殊俗態似近
古風雖播在雅頌於壽酒可代俳優冒黷
冕旒臣無任

謝衣履表

臣某言今月十七日撰奉官開門祇候景元到州伏奉聖
恩賜臣勅書一道紫殿正飾衣履一領者臣當時與官吏
軍員將校等望闕謝恩跪聽陛下詔王人遍頒時服捧如綸而
增懼對挾纊以知榮謝伏念臣素乏藝文猥塵清近雖罷
金鑿之職尚分銅虎之符而自移理藩宣始踰旬浹莫著
袴襦之詠空慙凋涼之民此者伏遇

尊號皇帝陛下政在宵衣恩加露冕特有祁寒之賜俾無
卒歲之虞開緘併集於榮光宣詔更增於和氣飾之瑞獸

空傾率舞之心，微乃維鵜，難免彼己之刺。伏限權司郡事，不獲躬拜闕庭，臣無任

滁州謝上表

臣某言奉五月九日制命，伏蒙聖慈，特授臣守尚書工部郎中知滁州軍州事。已於六月三日到本州，上訖罷直禁中。臨民淮上，雖近侍猶忝正部，省已戴恩，既榮且懼。臣某^中伏念臣早蒙賤跡，誤受聖知，進身不自於他人，立節惟遵於直道。優游兩制，出處八年。今春召自西垣，入叨內署，既在深嚴之域，仍當繁劇之權。雖積兢虞，終無補報。所宜遠貶以肅具寮，伏蒙

尊號皇帝陛下，由念遭逢，俯存終始。止罷玉堂之職，仍遷

粉署之資，委以專城。置于近地，沿流數日。登陸三程，諸縣豐登，苦無公事。一家飽煖，共荷君恩。處之一生，實為萬足。然而翰林學士朝廷近臣

陛下登位已來，御前放人之後，從呂蒙正而下拜此職者

止有八人。臣最孤寒，亦預其數。言於聖選，不為不精。數月

之間，忽然罷去。衆情尚或驚駭。微臣豈不憂惶。且臣在內

庭一百日間，五十夜次當宿直。白日又在銀臺通進司審

官院封駁司勾當公事。與宋湜呂祐之閱視天下奏章。審

省國家詔命。凡干利害，知無不為。三日一到私家歸來已

是薄暮。先臣靈筵在寢，骨肉衰經滿身。縱有交朋，無暇接

見。不知謗議自何而興。臣拜命已來，通宵自省。恐是臣所

得官不在高懷德宅中一昨開寶皇后權厝之時便欲移
出來有去處甚不違寧與曾指約公人不令呵喝切恐貴
僧出入中使往還相逢之間難為顧揖按舊制自左右正
言已上謂之供奉官街衛之間除宰相外無所迴避此蓋
賈誼所謂人君如堂人臣如陛陛高則堂高者也况臣頭
有重戴身被朝章所守者國之禮容即不是臣之氣勢因
茲謝表敢違危誠况臣粗有操修素非輕身心常知於止
足性每要於回邪位非其人誘之以利而不往事匪合道
逼之以死而不隨惟有上天鑒臣此志伏望

陛下思直木先伐之義者衆惡必察之言由與保全俾伸
誠節則孤寒幸甚臣某言知歸在於小臣有何不足今則隋
岸千里堯天之重微軀或迷於生還動知尚期於死所臣
無任

謝知朝散大夫表

臣某言今月十八日進奏院遞到勅牒一道伏蒙聖慈加
臣朝散大夫者想或大祀澤霽百僚豈則郎吏之卑亦從
大夫之後臣某謝伏念臣猥因薄技獲偶昌辰自忝文科
累叨華賚數年綸閣徒勤潤色之功百日玉堂詎有論思
之効而自身離近侍官帶責詞既別白以無門但憂危而
度日此者伏遇

尊號皇帝陛下圓丘展禮率土推恩特加五品之資俾壯
一麾之任况臣早叨書命備見舊章每當行慶之時必考

授官之限未滿二載例增五階率以爲常行之自久臣去年五月出職今年二月加恩承奉郎陞級未崇朝散階遷陞不次必是上由睿聖旁出僉諧以其曾作近臣不欲便同常例永言感遇空極涕洟遂使死灰之心稍生於寒燄戴盆之首亦見於天光光捐微軀以答鴻造無任

謝賜聖藥方表

臣某等言今月二十五日奉院到太平聖惠方并目錄共一百一冊臣等等謝恩仍依勅命施行訖臣等謹按洪範常用五福其二曰康寧威用六極其二曰疾然別疾病之作蓋天之威然邪康寧之集蓋天之勸嚮邪此特立教而事若欲驅人爲善苟或飲食嗜慾之不節陰陽寒暑之不時爲札瘥爲流瀉爲疢癘爲疔瘍若此之類縱而弗攻委之于極非聖世之所用心也故醫術由是而生焉自黃帝政伯以還作書書以至至叢乎無條貫浩乎無津涯思欲囊括古今分類例參驗百疾稽合群方惠于兆民敷乃萬國非偶大聖孰能興之臣某謝伏惟尊號皇帝陛下惟睿作聖有孚惠心包天地之大德群生罔不遂盡皇王之能事墜典罔不修謂人之未庶也制婚姻以育之謂人之未富也薄賦斂以足之謂人之未教也施道德以化之又欲使五福之康寧徧流比屋六極之疾病不加蒸民于是召良醫考異術集自朱邱逮于紫宸幾三十年成一百軸洞乎天人之際探諸鬼神之奧製序引

王黃州小畜集卷第二十二

表



賀南郊大赦表

賀冊皇太子表

謝各道領表

賀皇太子冊位表

謝御史中丞表

賀壽皇太后表

賀壽皇太后表

賀上太行皇帝謚號廟號表

乞賜祭南山人神故老會表

賀壽皇太后表

謝加上世國表

謝宣賜表

起聖表

賀收領表

賀勝表

揚州謝表

請擬大行皇帝實錄表

謝弟禹上表

賀聖駕還京表

謝加朝請大夫表

賀南郊大赦表

臣某言今月二十日降到赦書一道南郊禮畢大赦天下者臣當時集軍州官吏百姓僧道宣讀施行訖嚴父配天王者之達孝青災肆赦有國之大猷凡在群生罔不同慶臣聞有虞尚乎德祖顓頊而宗堯周人重其先禘帝嚳而郊禘沿革之文則異祠祀之義斯同率由舊章茲曰入事雖天子必有尊也非聖人孰能行之伏惟

尊號皇帝陛下司牧黎元敷崇孝治言有父也

宣祖昭武皇帝積德而累功言有兄也

太祖神德皇帝開基而創業而自下武繼志守文則難化成而日用不知寅畏而夕惕若屬故得昆蟲咸遂戎狄允

懷文物聲明損益乎三代道德仁義寔染乎萬民有是聖功推功於天地有是聖德讓德於祖宗乃備嚴禋聿伸大報禮樂具舉宣三年之丕為玉帛載馳見四海之助祭列聖至上上帝格思錫鴻休於無疆明大孝之不匱禮成而退天且不違自非吉蠲之誠達于上下孝悌之至通于神明孰能若斯其盛歟由是因純嘏之休覃雷雨之澤謂萬方有罪于是乎釋縲紲之人謂百姓不足于是乎免逋逃之賦照燭幽壤滌蕩瑕疝順天推恩與物更始詩不云乎一人有慶經不云乎萬國懽心自可追三王而比崇非止黜五霸而不用者矣臣出官內畧承乏專城旣不得陪冠劍之班行俎豆之事舞抃於黃道登降於紫壇又不得湧

非煙之詞濡甘露之筆藻繪於玉冊發揮於皇謀亦臣之不幸也然而當求治之朝居分憂之任得不導揚允澤訓戒齊民瘼其瘡痍浸入骨髓亦臣之大幸也伏限郡事不獲奔詣闕庭臣無任

賀皇太子表

臣某言今日二月八日降敕書一道皇太子正位儲宮大赦天下者三皇時集軍州官更僧道百姓宣讀施行訖禮崇尚副理後漢書凡在含生罔不同慶臣聞帝王之道步驟殊途夏商以博家垂諸古典姬呂之為世子載于禮經比日所以定人之心而國國今矣由三代而下實百王不刊洎乎唐室夏商與朝草創莊宗則帝未遑履明宗則日不暇給繼綿五姓戰伐百年重念春坊遂闕典與我

太祖神機皇帝揖讓坤乾司牧黎元善上聖之才副下民之望人神允屬獄訟攸歸伏惟

尊號皇帝聖德傳白日升為天子德比歲伏垂二十年文物聲明盡合至義禮樂征伐不自諸侯始求主鬯之親用正副君之位斯至朝所謂天與賢與賢天與子則與子者也伏以皇太子生知惠孝性稟鴻文允符當璧之祥宜正撫軍之重筮龜叶吉鑄冊增輝而又舉海雷之聲因而作解導少海之潤用以滌瑕必由舊章降此大賚綸綍四出羣宰一空率土普天不勝慶幸臣出官禁畧承乏方州目不覩朝廷之儀手不當文翰之職雖違素望實偶昌

朝伏限郡政不獲奔詣天闕臣無任

謝落起復表

臣某言今月五日進奏院遞到勅牒官告各一道蒙恩落起復授臣依前尚書工部郎中知揚州軍州事仍放朝謝者喪紀爰終朝恩遂至以血罔極悼心失圖伏以三年之喪百王不易聖鑒急用本因將帥之臣腰經從公罔叶春秋之義臣頃奉命方兼通使斷恩勉副齊鴻私達禮重違於素志有違禮制現冒之類日月有期俄卒禫祥之制此者伏蒙

尊號皇帝陛下舉其舊典推以新恩俾除抑奪之名曲盡哀榮之禮感慕切切痛且忘於終天佩玉鏘鏘班尚遙於就日伏限郡政不獲奔詣天闕臣無任

賀皇帝親征表

臣某言伏奉四月一日敕書

皇帝陛下宸衷肅穆守以圖人神有儀華夏同慶伏惟陛下奉先思孝克己歸仁承列聖之貽謀作兆民之司牧重輪繼大明之聖光披遐陬以海升百谷之王澤流品彙肆赦渙汗萬邦底寧臣遠事先朝嘗聞內署符逢聖日權守外藩不獲蹈舞玉帛無任抃躍屏營之至

謝轉刑部郎中表

臣某言今月六日進奏院遞到勅牒一道官告一通伏蒙聖慈特授臣尚書刑部郎中取官勳賜如故仍放朝謝者

聖澤大賚郎曹序遷聞命若驚省躬知幸伏念臣頃因薄技逮事先朝誤記姓名過有獎擢兩知制誥一入翰林報國之功雖無績効事君之道粗守貞方虛名既高忌才者衆直道難進黜官亦多始貶商於實因執法後出滁上莫知罪名

大行皇帝漸察非意移領大郡方且精求民瘼少報皇恩期牽復于詞臣再獲擇于王命不圖上玄降禍

先帝登遐奉諱之辰號天因極不得趨朝夕之臨無以為臣子之心決如便廢悲入骨髓伏遇

皇帝陛下敕奉顧命欽承慶基奈憂之情既遵于易月蓂蕭之澤遂洽於溥天爰自起曹陞于憲部望全鑿之殿誠

皇朝通志卷之三十三

五

兵部

隔煙霄入白雲之司亦非冗散得不格居官次度奉詔條諭淮海之遺民識朝廷之新命無汲黯積薪之歎有子牟戀闕之心感懷舊恩追惟往事西陵日斷泣血難收東海日昇傾心更切伏限權司藩服不獲拜賜玉塔臣無任感天荷聖激切屏營之至

賀冊皇太后表

臣某言伏覩四月一日制書冊皇太后禮畢者子道大備母儀有光伏以皇太后德配先朝功存內治遇坤之泰叶易象之休徵在河之洲動詩人之雅詠克昌聖嗣續服寶圖爰旌十亂之功乃正萬邦之母杜膺玉冊誕受尊稱舜孝蒸蒸漢儀穆穆問安侍膳載趨長樂之宮含飴弄孫永

鎮顯親之殿臣限拘官守不獲蹈舞玉堦無任抃躍屏營之至

賀冊皇后表

臣某言得進奏院狀報五月二十四日制書秦國夫人立為皇后者中宮正位率土同歡臣聞軒轅四星上明于玄象虞舜二六內助於皇風永惟王化之基實繫人倫之本伏惟

皇帝陛下誕膺駿命嗣守鴻圖安上定民勳緒於禮法自家形國先正於宮闈符沙麓之禎祥氣空山之正嫡蒸嘗是奉既逮事於先朝車服有儀更承顯於長樂與冊大備邦家有光臣以任假列藩獲聞盛禮伏限恪恭官次不獲蹈舞玉堦無任抃躍屏營之至

慰上大行皇帝謚號廟號表

臣某言得進奏院狀報今月六日勅下大行皇帝謚號神功聖德文武皇帝廟號太宗七日文武百寮詣西上閣門拜表陳慰者典章大備宗廟永安臣謹按禮太師帥誓而廩所以作匱謚又按禮記大臣素服而郊所以明天誅蓋子不得私其父臣不得私其君爰茲考實之文用正易名之法洪惟盛典屬在聖朝

太宗皇帝知幾其神惟睿作聖功濟萬物德流八方有經緯天地之文有克定禍亂之武錄其行也既如彼定其謚也宜如此又以為極大曰太有德稱宗懋建鴻名永光清

廟禮官博士討論而無異辭公卿大夫僉諧而合舊典為百代不祧之主享萬世無疆之休伏惟

皇帝陛下以大孝顯親以至公立法率由茂實誕上尊稱太史之紀國書有光直筆上公之讀謚冊曾無愧辭終哀且榮愛禮達孝秩秩之容既肅穰穰之福無窮臣逮事先皇累叨近侍流落郡政哀號國喪執戟之官既傷於踈賤如椽之筆空入于夢魂伏限官守不得奔赴闕庭

乞賜終南山人种放孝贈表

臣某言臣等聞陳蕃之薦五處士名動邦家田歆之舉六孝廉事光簡冊惟兩漢之制理於三代而同風復有聘以安車賜之束帛聽其不仕姑務優賢八月奉羊酒之儀四

東坡全集卷三十三

三十一

時致宗廟之胙史之所記代不乏人爰觀昌期亘興隆典伏見終南山處士种放山林養素若友脩身既聚學以誨人亦躬耕而事母龐公守道不入襄陽之城康伯避名永絕長安之市

太宗皇帝知其高尚書不徵求茲違禮廢之親未應鵠書之命讓賜錢而不受懸好爵以難縻今聞放執親之喪貧不能葬棺衾未具宅兆無歸臣等或忝被交遊或慕其名節傷哉貧也觀茲窳窳之憂聞斯行諸豈恠匍匐之救雖共謀分俸而未若推恩况褒巖穴之賢敢掠朝廷之美伏冀皇帝陛下特旌素履曲示鴻私少加粟帛之恩俾諧喪葬之禮上則成先皇之雅意下則揚隱士之清規亦足

以激浮競之風勸孝悌之俗所繫者甚大所費者至微比
考叔之遺美一時小惠較鄭均之義穀千古同塗干冒宸
嚴臣等無任僭越之至

黃州謝上表

臣某言伏奉去年十二月二十九日勅落知制誥差知黃
州軍州事者通于白限尋即朝辭自後以改葬先臣蒙恩
給假幸獲親於遠日免積恨於終天墳穉未停征輪靡盬
已於今月二十七日到州上訖乍離近侍猶忝專城循省
尤違彌深感泣伏以黃州地連雲夢城倚大江唐時版籍
二萬家稅錢三萬貫今人戶不滿一萬稅錢止及六千雖
久樂昇平尚未臻富庶永言養活亦藉循良如臣庸愚曷
副憂寄謹當勤末人瘼遵奉詔條至至憂民之民束縛檢
猾之吏敢言課最庶免曠遺况當求理之朝必為無害之
政伏念臣叨司帝誥又歷周皇既不曾上殿求見天顏又
不曾拜章論列時事入直則閉閣待制退朝則杜門讀書
雖每日起居實經年抱疾不敢求假恐煩醫官自後忝預
史臣同修實錄晝夜不捨寢食殆忘晷刻建隆四年見成
一十七卷雖然未經進御自謂小有可觀忽坐流言不容
絕筆夫讒謗之口聖賢難逃周公作鷓鴣之詩仲尼有柏
雕之歎蓋行高於人則人所忌名出於衆則衆所排自古
及今鮮不如此伏望
皇帝陛下雷霆霹靂怒日月迴光鑒曾參之殺人稍寬投杼

察顏回之盜飯或出如簧未令君子之道消惟賴聖人之在上况臣孤平無援文雅脩身不省附離權臣祇是遭逢先帝但以心無苟合性昧隨時出一言不愧於神明議一事必歸於正直愠於群小誠有謗詞謀及卿士豈無公論以至兩朝掌誥四任詞臣紫垣最忝於舊人白首不離於郎署以微臣之行已遇

陛下之至公久當辯明未敢伸理今則上國千里長淮一隅雖叨守土之榮未免謫居之歎霜摧風敗芝蘭之性終香日遠天高葵藿之心未死仰望旒宸不勝涕洟臣無任瞻天戀聖省己激切屏營之至

謝加上柱國表

青集卷三

九

吳志

臣某言今月二十日進奏院遞到官誥一通勅牒一道伏蒙聖慈特授臣上柱國餘如故仍放朝謝者禮成大祀澤霈具寮豈期謫官之臣亦預策勲之數伏念臣因緣薄技遭遇昌辰承明四入於直廬才非潤色淮甸三移於郡印政昧循良方俟黜幽敢期受寵今者伏遇

皇帝陛下躬修禋祀嚴配祖宗率由舊章大賚群后遂令郎吏亦廁勲官八柱之名實叨於茂澤一麾之任有耀於專城誓將冰蘖之心上答雲天之施無任感天荷聖

謝宣賜表

臣某言今月八日進奏院遞到宣頭一道伏蒙聖慈以臣先撰元德皇太后謚冊文特賜臣衣着五十疋銀器五十

兩禮畢園陵恩霽論譏伏念臣學慙稽古才不兼人際會
先朝忝塵近侍東里子產累居潤色之司南面仲弓繼荷
分憂之任洎逢續嗣復躬披垣端當議雲陽之陵定昭成
之謚猥承詔命恭草冊文雖處孤陋寡聞難當大手筆事
雖經御覽未息竊惶今者續冊入陵神主祔廟伏惟
皇帝陛下孝思罔極慈澤下流續聖德之絲繒錫中金之
器皿捧承靡措幽尋美意繼冠之祭無以加此孝治之化
足能感人惟覺冒榮曷知榮如臣無任瞻天荷聖激切屏
營之至

起居表

臣某言今日二月二十五日進奏院遞到御札一道

皇帝陛下取... 河北者黠虜猖狂聖人順動
佇穢况醜亦息秋秋伏惟

皇帝陛下續嗣場... 皇帝陛下續嗣場... 皇帝陛下續嗣場...
化戎蠢爾契丹敢... 於捷音帝命尚... 之時以鎰秤鉢移山...
守吹塞垣願作北門之狗在茲一舉求服四夷方屬祁寒
暫勞天步臣以任居僻郡地遠... 天而積懋臣無任瞻天望聖激切屏營之至

賀收復益州表

臣某言今日進奏院狀報雷有終奏收復益州者臣當

時集官吏望闕稱賀并告諭諸縣訖守臣不武成卒弄兵
暫出偏師果平孤壘中謝臣伏觀益部以樂皇風蕞爾王
均敢萌逆節蓋災流於公室致盜據於城池伏惟

尊號皇帝陛下斷在睿機推茲儒將雖依九伐之法特開
三面之羅尚敢嬰城斯為迷復懼困獸猶鬪之義徵圍兵
必闕之文縱以遁逃自今聚潰盡由聖略永淨坤維臣任
忝頒條欣聞捷奏無任歡時樂聖權呼蹈舞之至

賀勝捷表

臣某言今日三十日得進奉院牋報今日十二日據夏州
路馬步軍都部署王超廷州路馬步軍都部署范廷召等
各差入內殿頭高品本係正入內高品質繼隆等走馬齎
狀到闕奏兩路大軍入賊界到烏白池會合前後一十六
度掩殺著蕃賊殺下賊首主二十一人吃囉指揮等二
十餘人及殺下蕃賊五千餘人到蕃賊二千餘人并收到
馬二千餘匹奪到衣甲器械二萬餘事件傷殺却蕃賊不
知數目打奪到牛羊等物不少收到糧料草窰窰極多並
已散與一行諸軍其蕃賊帳族舍屋並燒毀蕩盡所有蕃
賊田苗禾穀並總收刈及踐踏淨盡其李繼遷與蕃賊並
已潰散逃遁其諸路大軍并百姓已於今日二月二日並平安
却迴各歸逐處駐泊訖皇太子宰臣文武百官於今日十
三日入賀者臣當時集軍州官吏等宣讀告諭望闕拜舞
稱賀訖黠虜窺邊王師出塞大戮兇醜永息妖氛凡在照

臨畢同慶快中制 臣聞姬周備塞來則擊之炎漢用兵事
不獲已蓋為民之除害亦有國之常刑言念夏臺之白
翟雖居沙漠實近嶠函其塞爾繼遷父稽天討養成巢穴召
集逋逃逼脅戎人驚搖王土伏惟

尊號皇帝陛下外其美秋念在生靈戰堂上之奇兵惜關
中之民力以至賜之國姓改以今名位重察廉官兼保傳
而獸心反側大性猖狂劫掠我吏民侵陵我疆境皇威赫
怒禁旅奔馳兩路齊攻三軍合力靈兵神速突騎龍驤疾
雷無掩耳之驚烈火動燎原之勢大入十六陣斬獲萬餘
人積甲如丘覆屍滿沙碩發其積其室廬俘牛馬
以谷量蹂躪播而掃地足使五千深入笑李陵之無功十

萬橫行輕焚燬之虛語而况偏裨斬將國有之遺渠魁遁
逃僅以身免賊氣大沮人心已離係于繫之煎誅手獨
柳之下上應剋日別聽吉音此皆斷自天威不出睿筭過
其橫議授以聖謨故得惟惟之喜言國猶展沙場之上捷
書已來歷考自古帝王料兵之遠未有如

陛下者也臣去年叨書密命併直內庭批逆豎之封章屈
王言而姑息未嘗不援毫切齒怒髮衝冠慙無將帥之材
實忍大夫之恥今則身居郎署日觀神功感涕忻懼倍萬
常品伏限權司郡印不獲拜舞闕庭臣無任

揚州謝上表

臣某言十一月二十四日樞密院馬遞勅牒一道至滁州伏

蒙聖慈就差臣知揚州軍州兼管內河堰橋道事替第
仍放朝謝取便路乘遞馬發赴移任所者臣已於十二月
四日到揚州上訖祗奉朝心初權藩服分憂任重謫官心
寬感恩而涕泗無從省已而兢惶失次中謝伏以禹別九
州斯為輿壤唐分十道是曰大邦控淮海之津梁會東南
之漕運當聖主求賢之日親王領鎮之初宜擇才能俾又
繁劇豈臣愚昧而所克堪伏念臣頃以藝文獲塵科第三
館兩制遍歷清華十載一時別無媒援由是上惟奉主旁
不忌人比言類至左官去年自禁中出職滁上臨民
龜勉在公事之度更歲積勞漸白眼目已昏但以行年未高
不敢求退

代難遇猶思報恩顧惟善政之惠聞豈望鴻

私之曲被

今其蒙

尊號皇者陛下嘗從小郡權柱大藩雖放棄之臣君恩未
替而受衝之地使命孔多微臣素之家時本州元無公用
恐因信為別愛每尤冀聖心之察微免規口之騰謗此外
粗當勵心宜望官况揚州雖繁藩方無多戶口凡干場
務皆有使臣臣在其中提振而已至于決斷詞訟督責賦
租持以無私必期集事今緣奉詔急速所以不敢稽留庶
于歲時之間別求散慢之地舉頭見日空知京闕之遙白
首為郎甘老江湖之上伏限權臨郡政不獲躬拜天庭無任
請撰大行皇帝實錄表

臣某言聞二帝三王之道無尚書則泯而不見戰國秦漢

之事無史記則滅而不傳能使後之視今猶今之視古者
書史賴中謝伏以

大行皇帝功濟萬物道高百王誕敷皇謨勤恤黔首憲章
軍國之務經制郡縣之權故得百萬之師如臂使指億兆
之衆推心致腹而又禮樂刑政之盛聲明文物之光煥乎
爛然有足稱述附于二十一年行事而王道備矣伏惟
皇帝陛下以奉先之孝副知子之明紹膺丕圖惟克永世
極前即位天下宅心社稷人神罔不依附華夏蠻貊罔不
駿奔斯乃先帝之貽謀得

陛下之聖嗣乾坤交泰日月重光歷考近古立儲闡承帝
位未有如我朝之盛者也臣愚以為且撰大行皇帝實錄

卷之三

一

垂之不朽况盛德大業簡冊具存鴻儒碩學臺閣皆是豈
臣孤陋敢有覲覲然念臣太平興國五年集賢館舉再就
御試遂登文科服勤州縣揚歷四考先帝深藉紳虛譽自
長洲今徵焉正言帖直史館明年轉左司諫知制誥出
入中外十有三年遽不因人遽無顧過永惟知己之至未
得殺身之地今陵寢有日始議良策得措一辭于帝典
之中署一名于國史之後臣雖死之日如生之時至于褒
善貶惡之文編年紀傳之列以備嘗探討粗見指歸况端拱
元年春季日曆是臣編修如蒙帝俞不辱君命臣無任懇
悃之至

謝弟禹圭授試以倒表

臣某言臣禹圭昨差押本州賀登寶位進奉伏蒙聖慈特授將仕郎試秘書省校書郎者千年遭遇九族輝榮中謝伏念臣出自孤平猥叨班列雖累居近侍而未免食貧言念禹圭臣之母弟素無文性早使專經重以先臣惜其幼子本期擢第以慰慈顏自後住舉六年丁憂三載漸及強仕未有出身今者伏遇

皇帝陛下續嗣寶圖誕敷文德凡居守土之任義合駿奔因命在原之親入修職責伏蒙

陛下舉先朝之故事推山震之殊恩俾列官常仍居讎校起家之調曲荷於生成報國之心同期於死所伏限郡印不獲蹈舞玉墀臣無任感天荷聖激切屏營之至謹奉表

陳謝以聞

賀聖駕還京表

臣某言今月十六日進奏院狀報正月二十三日大駕還

京者犬戎逃遁鑿輅凱旋中謝伏惟

尊號皇帝陛下奉承祖宗威懷戎狄但懋守文之德靡矜神武之功蕞爾林胡無名內侮蜂屯烏合鼠竊狗偷必想邊民奪挺以毆攘亭長持繩而繫縛豈勞車駕遠涉山川陛下念二聖臨朝每經營於河朔屬三時不害乃巡幸於沙場存問耆年勞來疆吏有征無戰陳詩觀風邊人識龍鳳之姿胡馬避虎貔之衆昔周宣薄伐獫狁深入太原漢武斥逐兗奴遐臨瀚海頗為勞弊尚著聲時曾未若

陛下仰順天時俯從人欲出狩適當於冬隙班師未廢於
農祥端居紫宸飲至清廟黜兩方霈春華正繁捧觴長樂
之宮錫宴上林之苑皇權大洽天步永安易曰聖人以順
動則刑罰清而民服孫子曰不戰而屈人之師善之善者
也其是之謂乎臣方在謫官無由毫從既不得草頡利可
汗之露布又不得會頡單于之慢書當文士有為之時
處山州無用之地聖鑒莫遠望闕彌深無任歌時樂聖

謝如朝請大夫表

臣某言今日十三日進奏院遞到勅牒一道中書劄子一
封伏蒙聖慈以臣預修

太祖實錄臣朝請大夫仍賜絹五十疋銀五十兩者

臣等伏念

臣等

臣等

陛級清崇錫賚優厚恩生望外事繫宸衷仰戴寵光伏增
戰越臣中謝伏念臣素無望實久玷清華訓誥典謨罔知
體要春秋禱杌豈識指歸之歲伏遇

尊號皇帝陛下詳觀國書追念始祖顧復不祧之廟光揚
納麓之勲以為自昔編修或多漏略永懷丕烈深軫孝思

謂漢祖元功立紀于武帝之世神堯實錄重定于高宗之
朝爰詔近臣再編茂實臣叨膺是選尤愧非才尚賴宰臣
李沆監修錢若水總領其職臣則討論遺事潤色舊文始
則合秦趙世家得國姓之根本考唐杜氏族見太后之源
流凡所改更皆有按據庶彰帝業以副天心方施汗簡之
勞遽有分符之命無由別白但積憂危加以年髮漸高郡

封甚僻野鳥閑暇潛窺賈誼之容江魚噉喙欲噬靈均之骨
未知何日再覩天光豈謂大典初成群賢進御

陛下以臣曾施翰墨曲記姓名俾進階資復援恩例絲綸
渙汗金帛輝華州民改觀謫官增氣領郡城而兼史氏何
異唐賢奉朝請以爲大夫榮同漢制非小臣稽古之力乃
陛下好文之心涕泗縱橫亂於縻綆神魂飛越若在煙霄
唯知遭逢曷可報効然念臣業文之外蔑有器能知命之
年別無嗜好才思未減筆力尚雄馳于文翰之場猶能識
路責以循良之政恐悞分憂僮用所長期不辱命臣無任

王黃州小畜集卷第二十二

